

《續修四庫全書》編纂委員會編

續修四庫全書

上海古籍出版社

再續一卷三續二卷據上海辭書出版社圖書館藏清光緒刻木犀軒叢書本配補

九〇五・史部・金石類

平津讀碑記八卷續記一卷再續一卷三續二卷〔清〕洪頤煊撰……………一

語石十卷〔清〕葉昌熾撰……………一五五

陶齋臧石記四十四卷首一卷〔清〕端方撰……………三三七

2644/05

平津讀碑記

嘉慶丙子孟秋刊

平津讀碑記 序

臨海洪君筠軒以所著讀碑記八卷示予讀之歎其勤且博近日錢詹事金石跋尾用意之精庶其匹矣王司寇金石萃編雖廣撫而精密或不逮此也夫金石之足證經史其實證經者二十之一耳證史則處處有之記載楮柱曷可勝原惟當論其大者而已有如唐溫彥博史稱其褊急好爭論是非而碑特著其宏量不與人爭其相反乃若是岑江陵固不應作諛墓文此當表出之以資論世者金石文固不專以書論然若秦繹山碑魏受禪碑實以備篆隸體耳唐昇仙太子碑以其陰銜名出薛鍾二家手蹟而存之否則仆而毀之可也若職官之除授歲月之前後其實有關係者著之可也其他偶有錯互者不能枚舉吾安能為此費日損功耶至唐文宗大和宜据石刻以證板本作太之訛遼道宗壽昌据石刻以證史作壽隆之訛又如漢禮器碑闕里聖母姓并官氏以證姓氏書宋泰山碑尊賢下武以證補大雅傳說此書不載宋以後碑始略諸如此類則亟宜表出之耳不然豈有傳注箋疏之不治而日矻矻焉從事於拓本者哉近日輯錄金石者多矣未有若洪君用心之精密者故於此略及之

嘉慶癸酉春三月廿有四日北平翁方綱時年八十有一

昔歐陽文忠訂集古錄於漢華山廟碑集靈宮日他書皆不見惟見此碑浚儀王深寧尙書始援漢地理志補證之

國朝開徵君輩遂有蓋代文人無過歐陽公學殖之陋亦無過公之誚甚矣考訂金石之難也筠軒此冊雖僅伯淵一家之藏然海內流傳碑刻略備攷經證史贍博簡覈拾遺補鑄無少疎漏翁覃谿閣學言其用心精密無過於此吾知此書出不復爲後之批尾家吹求彈射是則筠軒所自信也夫嘉慶丙子二月八日雨中跋於羊城臬署之吾未信齋靜樂李鑾宣金石文字之學歐趙以來至

本津讀碑記序

國朝而大盛亭林竹垞揚鑣於前嘉定青浦接響於後考經訂史剖析六書旁通二氏美矣富矣吾友淵如觀察尤好是學收藏最夥筠軒在幕中久著平津讀碑記八卷考據明審於唐代地理尤多所得駁駁乎與諸前輩方駕矣宗彥素未研心碑刻近來稍涉兩唐書之學每遇事蹟舛午輒思得碑刻以證之讀筠軒此書多所開悟因題數語於冊首而歸之嘉慶壬申浴佛日德清許宗彥

淵如師喜金石文字生平游歷所至搜訪無虛日德州平津館所藏碑自周秦至唐末五代凡廿餘匣庚午冬頤煊始取而讀之見諸君題跋未盡間有所獲輒錄於左方積成八卷題曰平津讀碑記示所從得也昔家文惠公嘗假石邦哲王順伯兩家之碑撰隸釋隸續流傳至今頤煊少賤不能備金石之藏游幕平津始得盡見海內所有之碑雖才遠不及文惠所遇殆或過之夫世之所貴乎金石者以其足取證經史也聖賢經傳微言奧義典籍散亡往往得自學士之摘詞家狀之續述至國家易代脩史或采自傳聞或成于衆手殘舛謬闕勢不能免尤不若金石之出

本津讀碑記序

于當時爲可據其他如六書之通轉文體之宗尙皆可於是窺其厓畧此其學所以日積而日昌也今世之爲是學者有錢少詹潛研堂金石文跋尾翁閣學兩漢金石記阮中丞山左金石志王少寇金石萃編武大令授堂金石跋皆海內尊向頤煊獲讀是碑復得從諸君後以商榷其是非則亦可以自慰也已嘉慶十六年太歲在未八月十四日臨海洪頤煊題于濟寧舟次

平津讀碑記卷一

臨海洪頤煊

周

吉日癸巳

右吉日癸巳四字相傳爲周穆王書在贊皇縣壇山上宋皇祐中宋祁始訪得之後鑿取陷置趙州廳壁政和五年取入內府亂後不知所在此本爲南宋越州石氏重刻本漢書地理志房子有贊皇山集古錄引穆天子傳登贊皇山以望臨城今本穆天子傳無此文此吉日癸巳四字不知何人附入乙酉天子西絕鉞險郭璞注中

石鼓文

平津讀碑記卷一

右石鼓文在國子監大成門左右石鼓至唐始顯後漢書鄧騭傳李賢注今岐州石鼓銘凡重言者皆爲二字宋人言石鼓見于唐人著錄者獨不及此注何也第一鼓雙字說文業古文作𠄎雙即業字詩曰四牡業業與趨趨雙義合第四鼓𠄎字說文𠄎或从賁作𠄎或从奔作𠄎𠄎即奔字鄭夾際以爲拜字非也𠄎字作𠄎說極是或因𠄎𠄎有奔字以疑此條思也謂甲鼓遺字與庚鼓我字何妨並見此而與奔一字而丁鼓𠄎𠄎並見之例也

孔子題季子墓碑

右孔子題季子墓碑文云於虛有吳延陵君子之墓

相傳爲孔子書唐大歷十四年蕭定取殷仲容摹本刻于丹徒九里鎮季子廟中吳郡張從申有記宋崇寧元年朱彥又摹刻于江陰申港季子墓淳化閣帖中亦有刻本其篆法互異郭忠恕汗簡引墓字古文又與各本不同

秦

琅邪臺刻石

右琅邪臺刻石在諸城縣東百六十里碑十三行八十六字首行五夫二次行五夫三楊穆三行皇帝曰以下皆二世詔書與史記始皇本紀所載無異當時每刻石後皆著此段文本紀云盡刻始皇所立刻石石旁著大臣從者名五大夫趙嬰五大夫楊穆前從始皇與議於海上故二世刻石復著其名于石旁

泰山刻石

右泰山刻石舊在山頂四面有字宋大觀中劉跂拓得二百二十三字爲泰山篆譜至明北平許口僅得此二十九字于榛莽中移置碧霞元君祠東康熙乾隆五年祠火此石遂亡今有嶽廟重刻本譌舛不足觀

嶧山刻石

右嶧山刻石據封氏聞見記後魏太武登山使人排倒此碑後世傳摹重刻今所見本以長安鄭文寶本爲最佳說文古文及秦刻石及如此此碑陀及五

帝及字不如此作

漢

魯孝王刻石

五鳳二年六月

右魯孝王刻石在曲阜縣孔子廟文云五鳳二年魯卅四年六月四日成金明昌二年始出土高德裔曼卿有記錢辛楣少詹謂魯孝王慶忌以後元元年嗣則五鳳二年當爲孝王之三十三年頤煊謂漢表據踰年改元故以後元元年爲孝王慶忌元年此魯國所書以卽位之日爲始故自征和四年下距五鳳二年爲三十四年漢表諸侯王皆踰年改元唯武帝紀元朔元年書魯王餘薨表書元朔元年安王光嗣未踰年改元此乃其變例也

平津讀碑記卷一

三

居攝墳壇刻石

居攝二年二月

右居攝墳壇刻石在曲阜縣孔子廟一曰上谷府卿墳壇一曰祝其卿墳壇皆居攝二年二月造卿猶君也尊美之詞上谷府卿上谷太守也猶西嶽華山碑弘農太守稱袁府君祝其卿祝其令也猶郎中鄭固碑著令稱著君卿爲上下通稱故武開明碑終於吳郡府丞武榮碑稱吳郡府卿南安長王君平鄉道碑有丞什邡王卿尉綿竹楊卿卿卽君也

漢中太守郤君開褒斜道碑

永平六年

右郤君開褒斜道碑在褒城縣北石門宋紹熙末南

鄭令晏表有記并釋文據楊孟文石門頌永平四年詔書開余鑿通石門此碑云永平六年漢中郡以詔書受廣漢蜀郡巴郡徙二千六百九十人開通褒余道其相距止二年又云郵亭驛置徒司空褒中縣官寺并六十四所漢書地理志有船司空百官公卿表有水司空此徒司空亦官名隨事所立故續漢志不書晏表記云一百五十九字今拓本止一百三十二字

三公山碑

元初四年

右三公山碑在元氏縣城外野坡上河朔訪古記三公神廟在元氏縣西北三十里封龍山下有漢三公

平津讀碑記卷一

四

山碑一通卽此碑後漢書淮陽王昞傳永元十三年立防子侯爲常山王延平元年就國立二十五年薨是爲靖王此碑云元初四年常山相隴西馮君到官當靖王就國之十二年碑云國界大豐穀斗三錢明帝紀永平十三年歲比登稔粟斛三十斗曰斛斛三十卽斗三錢碑字作升或釋爲升字非

嵩山太室神道石闕銘

元初五年四月

右嵩山太室石闕在登封縣中嶽廟南百餘步前後兩銘碑額中嶽泰室陽城口口口九字陽文篆書前銘二十七行以後不可計元初五年四月刻後銘四十六行延光四年三月刻字不甚大每行俱有界畫

直線依翁閣學兩漢金石記所釋其未舉者前銘十八行第三是史字十九行第九是之字後銘首脫四行二行有地字四行有三字五行有十字三字七行有孝字九行孔子上是公字十一行有陽字十二行有北海相字十四行有屬字十七行有縣字二十二行有雙字二十六行額上是存字三十行有是字三十二行有親字四十行有置字後銘有潁川太守字訪碑錄題爲潁川太守題名卽此碑

嵩山少室神道石闕銘 延光二年三月

右少室神道石闕銘在登封縣西十里邢家鋪碑額少室神道之闕六字陰文篆書依翁氏所釋二十二

平津讀碑記卷一

行亦有界畫直線將作條嚴壽與太室前銘鄉三老嚴壽是一人漢書地理志西河郡有圓陽圓陰師古曰圓字本作圓王莽改爲方陰當時已誤爲圓字此銘亦作圓陽此銘上層諦視之尙有以山竄靈衆名疇數字隱隱可辨牛氏金石圖未載

少室東闕題名

右少室東闕題名在少室神道石闕銘之東題名十二人令常令容史記孝文本紀中大夫令勉顏游秦以令是姓風俗通令姓令尹子文之後祖卽查字

嵩山開母廟石闕銘 金石文字記延光二年

右開母廟石闕銘在登封縣北十里崇福觀東依翁

氏所釋下層十一行前尙有一行有字隱隱可辨祀聖母庠山隅後上下層脫一行所未釋字尙多蓋所得拓本有優劣也太守朱寵以下題名共十一人與少室神道石闕同者八人佐卽廟佐隘作隣胥作胥伯鯨作栢舩逍遙作消搖九山刊旅作九山甄旅皆異文

延光殘碑 延光四年六月

右延光殘碑康熙年間諸城縣修超然臺出土中今移置縣署碑文五行皆有界畫直線碑首界畫外有字似碑額橫書碑唯下段可辨末行有延光四年六月卅日庚戌字極分明第三行中段尙有郡字孫字

平津讀碑記卷一

可辨金石萃編山左金石志俱未釋

敦煌太守裴岑紀功碑 永和二年八月

右敦煌太守裴岑紀功碑在巴里坤城西北三里關帝廟前後漢書西域傳延光二年陳忠上疏以爲敦煌宜置校尉案舊增四郡屯兵以西撫諸國故前後西域出師皆敦煌太守將兵裴岑爲敦煌太守當在徐由之後司馬達之前而史不書其名此碑巴里坤土人有重刻本有德祠海祠之辨諦視此本作隄本是德字後人誤釋作海耳

北海相景君銘并陰 漢安二年八月

右北海相景君銘在濟寧州學宮碑雖漫漶諦視之

不可辨者無幾景君以司農屬官出宰元城遷益州太守以路遐戀親改北海相以病去官漢安二年仲秋卒三載後故吏諸生乃立是碑惜不書其名字邑里碑云北海部城十九續漢志北海國十八城樂安國益壽光二縣皆故屬北海此時當有一縣未改屬碑陰有故午六人續漢志里有里魁民有什伍什主十家伍主五家以相檢察午卽伍也隸續以午爲幹字之省非是

敦煌長史武斑碑 建和元年二月

右敦煌長史武斑碑在嘉祥縣紫雲山碑云建和元年太歲在丁亥二口辛巳朔桓帝紀建和元年正月

天津讀碑記卷一 七

辛亥朔正月大故二月辛巳朔碑與史合斑字宣張據武氏石闕銘宣張仕濟陰年廿五曹府君察舉孝廉除敦煌長史碑俱約綜其詞以永嘉元年口月口日遭疾口河間高陽史恢等追惟昔日同歲郎署故口石銘碑似斑舉孝廉爲尙書郎故碑云口翼紫宮領校秘鄭續漢志注引決錄注故事尙書郎以令史入缺補之世祖始改用孝廉爲郎斑以孝廉爲尙書郎領校秘書除敦煌長史其官階亦相合

武氏石闕銘 建和元年三月

右武氏石闕銘在嘉祥縣紫雲山黃小松司馬始訪得之武斑碑在建和元年二月辛巳朔廿三日癸卯

此闕在建和元年三月庚戌朔四日癸丑其相距止十二日武斑碑稱武氏漢興以來爵位相踵此闕有武始公弟綏宗景興開明開明子宣張宣張卽斑也開明爲吳郡府卿又有中子榮字含和舉孝廉郎中遷執金吾丞綏宗名梁爲從事子仲章季章季立孫子僑武梁武榮俱有碑亦氏族之盛者

司隸校尉楊孟文石門頌 建和二年十一月

右司隸校尉楊孟文石門頌在襄城縣北五里水經沔水注褒水又東南歷小石門門穿山通道六丈有餘刻石言漢明帝永平中司隸校尉健爲楊厥之所開逮桓帝建和二年漢中太守同郡王升嘉厥開鑿

天津讀碑記卷一 八

之功琢石頌德卽此碑也碑云永平四年詔書開余鑿通石門中遭元二西夷虐殘橋梁斷絕於是故司隸校尉健爲武陽楊君厥字孟文數上奏請帝用是聽則楊君之開通石門不在永平中也楊君名渙字孟文其云厥者助語之詞順帝紀延光四年詔益州刺史罷子午道通褒斜路隸釋以爲卽從楊君之所請建和二年仲冬漢中太守王升勒石頌德距其時又二十四年矣

孔廟置守廟百石卒史碑 永興元年六月

右孔廟置守廟百石卒史碑在曲阜縣孔子廟司徒雄司空戒以元嘉三年三月廿七日壬寅奏雒陽宮

卽以是日下魯相承書從事下當用者魯相平以永興元年六月甲辰朔十八日辛酉上司空府桓帝紀元嘉三年五月丙申改元永興其置百石卒史始末止八十日碑云褒成侯四時來祠事已卽去史晨祀孔子奏亦云雖有褒成世享之封四時來祭畢卽歸國漢書恩澤侯表褒成侯國在瑕丘地理志瑕丘屬山陽郡是時孔子襲封子孫不在魯國故魯相乙瑛請置百石卒史典主守廟魯令鮑豐造作百石吏舍亦考闕里文獻者所宜知也

宛令益州刺史李孟初神祠碑 永興二年六月

右宛令益州刺史李孟初神祠碑在南陽縣其各已

平津讀碑記卷一

九

關孟初其字也舉孝廉除郎中遷宛令益州刺史已亥朔十口下金石萃編有宛令二字諦視此碑亦有而兩漢金石記無之宛爲南陽郡治貴君以下皆宛令故吏名

孔謙碑 永興二年七月

右孔謙碑在曲阜縣孔子廟謙字微泐尙可辨謙字德讓宣尼公廿世孫都尉君之子也漢書平帝紀元始元年六月追謚孔子曰褒成宣尼公都尉君者泰山都尉孔宙也後漢書孔融傳父宙泰山都尉李賢注引融家傳兄弟七人融第六唯有兄褒見融傳不及謙也孔宙碑年六十一延熹六年正月卒謙卒于

永興二年七月時宙尙存年五十一獻帝紀建安十三年八月曹操殺太中大夫孔融融本傳時年五十六謙卒時融止二歲

孔君殘碑 永壽元年

右孔君殘碑何夢華上舍訪得於孔林牆外今移置孔子廟元年乙未上字已泐趙明誠金石錄定爲桓帝永壽元年碑云孔子十九世孫當是孔宙孔彪兄弟行其所歷官五官掾守長史兼行相事字尙可辨

魯相韓勅造孔廟禮器碑并陰兩側 永壽二年

右魯相韓勅造孔廟禮器碑在曲阜縣孔子廟水經泗水注魯人藏孔子所乘車於廟中是顏路所請者

平津讀碑記卷一

十

也永平中鍾離意爲魯相到官出私錢萬三千文付戶曹孔訢治夫子車此碑亦云脩飾宅廟更作二輿在意之後續漢志東武陽屬東郡孔宙碑亦云東郡東武陽此碑獨書東郡武陽省東字

郎中鄭固碑 延熹元年四月

右郎中鄭固碑在濟寧州學宮碑舊拓止上段近始得下段殘石又洗出中段拓本始完固字伯堅著君元子續漢志著屬濟南國其父爲著令也延熹元年二月十九日詔拜郎中以疾錮辭未滿期限乃遣因愍其四月廿四日遭命殞身漢書汲黯傳黯多病病且滿三月上常賜告者數疏廣傳卽日父子俱移病

病三月賜告廣遂稱篤固自拜官至卒止六十餘日故尚未滿期限琦瑋延以爲至德不祀爾雅延長也琦瑋當是其兩弟名

蒼頡廟碑并陰兩側 延熹五年正月

右蒼頡廟碑在白水縣東北五十里史官村續漢志衙縣注引皇覽曰有蒼頡冢在利陽亭南墳高六丈後人因建廟于其縣廣韻倉姓黃帝史官倉頡之後此碑作蒼碑額有左馬翊東牟平陵衡君東牟屬東萊郡此云東牟平陵當由東牟而遷于平陵也碑字體最小漫漶亦最甚兩側明白可辨

泰山都尉孔宙碑并陰 延熹七年七月

全津讀碑記卷一

十一

右泰山都尉孔宙碑在曲阜縣孔子廟宙字季將孔子十九世孫孔融父也後漢書孔融傳年十歲隨父詣京師年十三喪父獻帝紀建安十三年八月曹操殺太中大夫孔融融傳云時年五十六融當生于永興元年此碑宙年六十一延熹六年正月己未卒時融年十一後漢書融傳作十三喪父者誤也桓帝紀延熹三年九月泰山琅邪賊勞丙等復叛寇掠百姓十一月泰山賊叔孫無忌攻殺都尉侯章十二月遣中郎將宋資討破之宙爲泰山都尉當在侯章之後融年十歲隨父詣京師則宙之爲泰山都尉會遭篤告休當在延熹五年

竹邑侯相張壽碑 建寧元年五月

右竹邑侯相張壽碑在城武縣學宮後人截其碑爲碑跌而穴其中今僅存一百八十字隸續載此碑甚完後漢書彭城靖王恭傳永初六年封恭子阿奴爲竹邑侯壽遷竹邑侯相遭江楊劇賊役賦彌年質帝紀永嘉元年廣陵賊張嬰等復反攻殺堂邑江都長九江賊徐鳳等攻殺曲陽東城長本初元年詔曰九江廣陵二郡數離寇害殘夷最甚碑所謂江楊劇賊卽此壽視事年載治功曹周憐放濫爲督郵周紘所表捐祿後復辟司徒府年八十建寧元年五月辛酉卒是月丁未朔辛酉十五日也

全津讀碑記卷一

十二

衛尉卿衡方碑并陰 建寧元年九月

右衛尉卿衡方碑在汶上縣西南十五里郭家樓碑云詔選賢良招先逸民務在寬失李固傳伏聞詔書務求寬博寬博卽寬佚也已從政者退就勅巾陳寔傳飾巾待終趙咨傳使飾巾出入李賢注以幅巾爲首飾不加冠冕謂棄官以就舉也安貧樂道皇侃論語義疏本作未若貧而樂道少以文塞長以欽明卽尙書考靈曜欽明文塞晏晏此碑用古義最多餘皆如諸家所釋

魯相史晨奏祀孔子廟碑 建寧二年三月

右魯相史晨奏祀孔子廟碑在曲阜縣孔子廟史晨

奏以建寧二年三月癸卯朔七日己酉上尙書時副
言太傅太尉司徒司空大司農府治所部從事續漢
志以太傅太尉司徒司空大將軍爲五府此大司農
亦稱府大司農掌諸錢穀金帛諸貨幣晨奏祀孔子
依社稷出王家穀春秋行禮以共煙祀是其專掌故
并及之

魯相史晨饗孔廟後碑

右魯相史晨饗孔廟後碑卽刻在前碑之陰史晨以
建寧元年四月十一日戊子到官而饗孔廟及補完
廡垣脩通大溝又昌平亭下立會市孔讀南北種梓
假夫子冢顏母井舍及魯公冢守吏事皆在前碑之

平津讀碑記卷一

後魯公冢者伯禽冢也魏書地形志魯有伯禽冢續
漢志補注引皇覽曰奄里伯公冢在城內祥舍中民
傳言魯五德奄里伯公墓其宅伯公卽伯禽之譌

淳于長夏承碑 建寧三年六月

右淳于長夏承碑在永年縣紫山書院金石錄云元
祐間因治河隄得于土壤中余家所藏漢碑二百餘
卷此碑最完至明中葉此碑猶存唯下半截殘缺今
世所傳有闕三十字本闕一百十字本成化間補刻
下半截本嘉靖二十三年碑爲築城工役所毀知府
唐曜重刻于漳川書院卽此本也舊本勤約重刻本
作勤紹末云建寧三年蔡邕伯喈書是後人肌題

陳德殘碑 建寧四年三月

右陳德殘碑牛氏金石圖云碑在沂州府東南數十
里田間邵陽褚峻跡得之揭數本則土人埋之矣或
云卽褚千峯僞造碑止存上截十行行五字每字有
方格界線碑陰十一行俱有額諦視之字僅形似乏
漢隸淳古之氣其爲僞造無疑

武都太守李翁西狹頌 建寧四年六月

右武都太守李翁西狹頌在成縣摩崖書翁漢陽阿
陽人阿陽水經漾水注作河陽漢書高帝紀師古曰
阿陽今流俗書本或作河陽者非也後漢書隗囂傳
李賢注亦云本爲河陽者誤也此碑作阿陽與續漢

平津讀碑記卷一

志同碑額有惠安西表四篆字年月後有丞右扶風
陳倉呂國字文寶小字題名二行又有丞右扶風陳
倉呂國字文寶大字題名十二行卽隸續所謂天井
道題名

李翁黿池五瑞圖

右李翁黿池五瑞圖在西狹頌之前上層爲白鹿黃
龍下層爲甘露降承露人嘉禾木連理後題君昔在
黿池脩崑嶽之道德治精通致黃龍白鹿下之瑞故
圖畫其像又有上官掾上祿上官正字君選題名三
行後尚有龍字隱隱可辨

博陵太守孔彪碑并陰 建寧四年七月

右博陵太守孔彪碑在曲阜縣孔子廟故吏崔烈等所立續漢志無博陵郡桓帝紀延熹元年六月丙戌分中山置博陵郡以奉孝崇皇閣陵水經沁水注漢質帝本初元年繼孝冲爲帝追尊父翼陵曰博陵因以爲縣又置郡焉漢末罷還安平故續漢志不書此本桓帝繼質帝水經注以爲質帝繼冲帝酈氏之誤博陵置縣在本初元年置郡在延熹元年以此碑陰證之屬縣曰博陵曰安平曰安國曰高陽曰南深澤成陽靈臺碑又有蠡吾皆屬博陵郡彪爲尙書侍郎見韓勅碑陰爲河東太守見史晨後碑

李翁析里橋鄒閣頌 建寧五年二月

平津讀碑記卷一

右李翁析里橋鄒閣頌在略陽縣隸釋所載缺四十一字後有年月題名五行金石萃編本無年月題名視隸釋多闕十三字此本又視王氏本多缺三十七字然皆非明申如墳翻刻之本此本建寧三年與隸釋同王氏本作五年當由摹刊之譌香風有隣香通作鄉香風卽嚮風醒散關之嚮潔說文案舉也舉山形玉篇舉同案潔卽螺字之借諸家皆誤釋

執金吾丞武榮碑

右執金吾丞武榮碑在濟寧州學宮關幘傳講孝經論語漢書史記左氏國語今碑漢書史記四字已泐漢書缺文志太史公百三十篇東平王思傳上書求

太史公書楊終傳受詔刪太史公書此皆秘府藏本漢書亦至漢末有應邵集解服虔音義二書之傳榮其嚙矢矣碑云內幹三署後漢以五官署左右署爲三署謂榮爲五官掾也碑字十行行三十字僅刻碑之半

司隸校尉楊淮表紀 嘉平二年二月

右司隸校尉楊淮表紀在褒成縣褒斜谷叙淮與從弟彌前後歷官稱元弟功德年盛當究三事不幸早隕二君清口約身俱大司叔孟文之元孫也後漢書任城王以元和元年封傳六十八年國絕當元嘉元年至延熹四年復爲國淮爲任城太守當在元嘉至延熹十年中孟文名渙見華陽國志司隸校尉稱大

平津讀碑記卷一

司隸亦僅見此碑

司隸校尉魯峻碑并陰 嘉平二年四月

右司隸校尉魯峻碑在濟寧州學宮峻爲司空王暢所舉徵拜議郎太尉長史御史中丞延熹七年二月丁卯拜司隸校尉後漢書靈帝紀建寧元年四月長樂衛尉王暢爲司空八月司空王暢免碑叙在延熹七年以前何也碑陰河內夏營懿秀遠千河內無夏縣此與楊孟文石門頌量漢疆同爲東漢二名之證平原西平昌續漢志平原九城今本八城西平昌三字脫在樂安國注中河間阜城續漢志阜城屬安平

國此時猶屬河間河東蒲坂作反魏郡黎陽作犂皆與續漢志異

熹平殘碑

熹平二年十一月

右熹平殘碑在曲阜縣孔子廟近時始出土年廿有七熹平二年十一月乙未蓋其卒時年月靈帝紀是年十二月癸酉晦乙未爲十一月廿一或廿二也但無官爵名氏府君者是稱其立碑之人故書在卒後孔褒碑亦魯相汝南陳府君立卽其證錢辛楣少詹謂當是曾任郡守者卒時年厘廿有七非是

武都太守耿勲碑

熹平三年四月

右武都太守耿勲碑在成縣隸續有此碑後殘泐重

平津讀碑記卷一

七

開故多譌字癸酉到官重開本作癸日郎官勸勉趨時重開本勉作課如農重開本作大小民此本雖已重開而翁王兩家據隸續所補之字此尙隱隱可辨洵可寶也扶活下隸續作餐諦審此碑是展餐二字內則注似今膏展矣說文餐小兒嬾餐外羌且下隸續作諦審此碑是居字

間憲長韓仁銘

熹平四年十一月

右間憲長韓仁銘在滎陽縣署金正大中滎陽令李大翼得于京索間土中碑止存上截碑右有正大五年趙秉文李獻能題字前半似叙司隸校尉績勲下云尉表上似仁爲司隸校尉所表遷槐里令除書未

到而卒續漢志縣萬戶以上爲令不滿爲長仁自間憲長遷槐里令如今之調繁孔宙碑都昌長遷元城令張遷碑除穀城長遷蕩陰令皆其證

堂谿典嵩高山石闕銘

熹平四年

右堂谿典嵩高山石闕銘在登封縣開母廟石闕銘下趙明誠金石錄堂谿典嵩高山石闕銘云中郎將堂谿典伯并熹平三年來請兩嵩高廟此銘前數行已泐尙隱隱可辨如趙之言典大君諱協字季度爲郡主簿作闕銘文後舉孝廉西鄂長早終熹平四年典來請兩嵩高廟重泐此銘後漢書延篤傳注引先賢行狀典字季度爲西鄂長以協爲典恐由唐人徵引之誤靈帝紀熹平五年復崇高山爲嵩高山注東觀記曰使中郎將堂谿典請兩因上言改之典請兩在四年山改名在五年

豫州從事尹宙碑

熹平六年四月

右豫州從事尹宙碑在鄢陵縣孔子廟碑云分趙地爲鉅鑣顧亭林謂鉅鹿之鹿不當從金錢辛楣少詹謂廣韻注明言鉅鑣郡名後魏弔比干碑陰有鉅鑣伯魏祐北史有鉅鑣郡守元道龍頤煊近見魏靈藏造像記亦作鉅鑣魏靈藏後漢書陳敬王羨傳建初三年與鉅鹿王恭就國影宋本北堂書鈔第七十卷引范後漢書作鉅鑣王足證古本皆作鑣

溧陽長潘乾校官碑 光和四年十月

右溧陽長潘乾校官碑在溧水縣學宮碑云口此龜
艾遂尹三梁龜謂印紐艾謂青綬續漢志進賢冠公
侯三梁中二千石以下至博士兩梁故此碑以三梁
為頌禱之詞靈帝紀光和四年九月庚寅朔碑云十
月己丑朔是年閏九月小故十月己丑朔兩漢金石
記謂是閏十月己丑朔者誤也有天口德之絕操諦
視天下是遼字翁王亦未舉

白石神君碑 光和六年

右白石神君碑在元氏縣開化寺碑云縣界有六名
山三公封龍靈山先得法食去光 and 四年三公守民

金津讀碑記卷一

蓋高等始為無極山詣太常求法食相縣以白石神
君道德灼然乃具載本末求依無極為比六名山者
此碑得其五其一則御語山也見元初四年三公山
碑毛詩雲漢篇敬恭明神釋文本神作祀此碑作敬
恭明祀與陸氏本同

尉氏令鄭季宣碑并陰 中平二年四月

右尉氏令鄭季宣碑在濟寧州學宮此碑宋時已殘
缺隸續所錄僅二百六十八字碑陰二百九十二字
兩漢金石記舊拓本可見者四十八字碑陰九十一
字此本可見者三十一字碑陰七十七字協上神人
二字甚明金石萃編摹本反闕之翁氏本又不著協

字何也

邵陽令曹全碑并陰 中平二年十月

右邵陽令曹全碑在邵陽縣孔子廟明萬厯初出土
時止缺一因字後乃中有斷裂又後乾字中日有穿
連之世恒以此辨拓本新舊全以建寧二年舉孝廉
除郎中拜西域戊部司馬遷右扶風槐里令棄官光
和六年復舉孝廉除郎中拜酒泉祿福長轉拜邵陽
令門下掾王敞等刊石紀功末言君高升極鼎足此
時全尚存也碑云縣前以河平元年遭白茅谷水灾
退於戊亥之間興造城郭是後舊姓及脩身之士官
位不登君乃閔縉紳之徒不濟開南寺門承望華鬘
鄉明而治庶使學者李儒樂規程寅等各獲人爵之
報戊亥之間謂西北隅以干支紀方位尚書大傳已
然今人因科名罕雋改造城垣官署冀得顯仕觀此
碑知其風始于東漢矣碑陰有徵博士李儒文優

蕩陰令張遷碑并陰 中平三年二月

右蕩陰令張遷碑在東平州學宮明時始出碑爰既
且於君暨字分為二顧亭林疑為後人重刊其實當
時撰文一人書石一人古碑往往有文義相屬中空
一格此無足怪遷治京氏易京氏長於災變分六十
卦更直日用事以震離兌坎為方伯監司之官專主
四時此云二月震節即京氏義也周禮職方氏言四

金津讀碑記卷一

夷八蠻七閩九貉五戎六狄明堂位言九夷八蠻六戎五狄大戴記言六蠻四夷爾雅言九夷八狄七戎六蠻此碑又云八蠻七戎五狄九夷皆所見本異

豫州從事孔褒碑

右豫州從事孔褒碑雍正三年始出於曲阜縣東周公廟側今移置孔子廟碑云君諱褒字文禮孔子廿世之孫泰山都尉之元子卽孔謙孔融之長兄也褒與融留舍張儉後事泄送獄一門爭死詔書坐褒儉抵褒時融年十六當建寧元年史晨饗孔廟後碑立于建寧二年間稱處士孔褒文禮其時尚未爲豫州從事孔謙以永興二年七月卒年卅四褒爲謙兄自建寧二年前上距建光元年謙生時已四十九年褒死時當又不止於此數之歲

魯相謁孔廟殘碑

右魯相謁孔廟殘碑在曲阜縣孔子廟隸釋有此碑土人稱爲吉日令辰碑以第一行有吉日令辰四字也牛氏金石圖誤題爲孔宏碑近時搜訪始有碑陰并碑側唐人題字見山左金石志

中部督郵殘碑陰

右中部督郵殘碑陰在曲阜縣孔子廟碑多剝裂痕似竹葉土人因名爲竹葉碑其正面亦有字碑陰所書有中部督郵南部督郵北部督郵續漢志每郡有

五部督郵是也又有中賊曹左賊曹右賊曹左戶曹右戶曹左決曹右決曹奏曹辭曹功曹不分中左右當日分曹必有繁簡之別續漢志不書

戚伯著碑

右戚伯著碑見隸釋第十二卷隸釋稱碑而爲性焉以性爲姓也此本作姓字甚分明隸釋焉下闕漢字三闕二此本焉下闕六漢比隸釋少一字又闕字位置不同碑末隸釋卿相之下闕十有伯著二字此本無之隸釋碑式戚伯著碑隸額一行十九字此本止之碑二字碑十二行行二十字此本剪裱每行約六字有直剪痕而無橫接痕非隸釋隸額所見之本孫退谷有戚伯著碑見朱竹垞曝書亭集此本有北海孫氏珍藏書畫印

仙人唐公房碑

右仙人唐公房碑在城固縣西北三十里碑殘泐僅存三百餘字以隸釋讀之王莽居攝二年君爲郡吏是時府在西成去家七百餘里休謁往來轉景卽至漢書地理志漢中郡西成第一縣續漢志南鄭第一縣西成第三縣觀此碑西漢漢中郡治西成足訂閭百詩潛邱札記謂西漢郡治非必第一縣漢中郡治不在西成之誤

子旌殘碑